



越風

卷三卷四

二



越風卷三

會稽商

盤寶意評選

山陰劉文蔚豹君

叅訂

會稽宗聖垣芥颿

山陰王大治又新編輯

何天寵

字昭侯山陰人康熙  
丁未進士官吏部郎

午發歷城別友人

祖席開晴旭。離亭傍聖泉。雲沙岐路色。風雨寄懷年。馬  
首圍青嶂。雞聲上白烟。知君還佇望。未敢遽鳴鞭。



歸義驛

岳陽路逕繞烟鬟。擬見湘娥竹上斑。一曲羅江千疊嶂。  
○調○高○韻○遠○雲深何處九疑山。

呂

燾

字蓼懷新昌人康熙己未進士官御史。侍御博通內典晚年引退與緇流結方外緣所

到名山古刹題咏甚多書法類董華亭嘯沃士人得其片紙珍若琳瑯

河間府

控扼畿南路。河間一道通。雲霞滄海郡。禮樂獻王風。樹色連三輔。車塵接大東。至今闐闐女。猶擅數錢工。

秋感

白虹高駕萬峰巔。搔首蒼旻欲問天。名士下場多佞佛。  
○而○發○美人入夢儼逢仙。誰移赤水三珠樹。盼斷恒河一綫烟。  
藉有永和緇軸富。蟲魚無賴任年年。

毛奇齡

原名姓字大可號西河蕭山人康熙己未名試博學鴻詞官翰林院檢討著有西河詩

集。西河先生經術湛深為一代著作鉅手蕭山秀水並峙浙東西生平文一詩二音律三以制科登館閣官止檢討名位難兼若此侍史曼殊美而能詩晚歲悼亡比諸玉局之於朝雲但未建六如亭耳

宣德窰青花脂粉箱。歌為萊陽姜仲子賦。

君不見宣皇宮中脂粉箱。青花素瓷出上方。陶模范埴

好形像。燒胚燿膊。非尋常。曼身穴腹。判兩截。一道坎中。  
 周四旁。融脂淪粉。恐膠結。洄漩復壁。流溫湯。宛若麗華。  
 鬪粧罷。宮溝淺膩。縈苑墻。何年此物。坐棄擲。竟置姜郎。  
 硯塘側。隔盎微聞。金粉香。開奩尚帶。胭脂色。摩抄日劇。  
 但把弄。未審甄人。定何用。賈胡欲認。不辨名。盧女相看。  
 宛如夢。連昌宮監。老不堪。落花時節。來江南。見此忽爾。  
 驚嘆息。云是先朝。舊承值。曾賜昭陽。繫臂紅玉。函脂粉。  
 在其中。盤間花貯。甘泉露。鏡裏衣穿。仁壽銅。良人少使。  
 望春樹。百子池前。早祠去。額畫銷。硃點暈。重指尖。碾玉。

當窩處。由來摘掃。最煩紆。惟此當牕。好勻注。紫水開唇。  
 恍瀉丹。紅綿撲粉。如飛絮。因之瓦甌。獨見親。珠械寶柙。  
 皆非倫。履箱銀鑰。擊奴子。鈿合金釵。付貴嬪。誰知世事。  
 頗難測。金狄銅仙。雨中拆。拾得王孫。繡襪錢。拋來魏后。  
 細紋尺。昭華翠瑄。摧井幹。道旁團扇。遮彌寒。庫名宜聖。  
 總散失。獨畱金盃。傳人間。承恩當日。授佳噐。前後紛綸。  
 尚能記。花箱雖好。何代貽。知為宣德。年間事。我來吳會。  
 當歲除。東湖水落。西流魚。姜郎酒後。出示我。令我抱之。  
 長歎歎。黃鐘土釜。本反覆。幾見桑田。變成谷。半世紅顏。

委道途上陽白髮誰膏沐箱空脂盡粉未調當年若個  
真娥媼君家陳寶世無算為汝一歌宣德密

姜學在得此器貽其姬人陳素素姬工詩有二分明  
月集廣陵女子也姜歿後脂粉箱歸於新安汪伯子  
長洲李碩夫有記一物之微自宮禁流  
轉民間滄桑時易畱與才人憑弔而已

題周昉畫楊妃調笙幃子

宣州長史筆有神貌花工貌丹州春風神天矯絕凡近  
徐熙崔白非等倫開元天子重傾國會把名花比殊色  
清平三調倚玉笙一唱沉香舊亭北太真仙去上皇老  
此事千年等枯槁御苑秋風落紫槐曲江春殿生青草

三月三日洛水邊我尋紅藥游晴川凌波遺佩香難續  
姚黃魏紫空嫣然誰展此圖向我前名花傾國重新鮮  
只愁調笙度遲日花萼樓頭呼不出我欲重吟供奉詩  
興慶昭陽總相失崇正待詔陳老蓮妙筆往往傳人間  
安得倩掃吳溪烟頓使宣州三絕筆寫作浣浦雙流泉  
與之重對開元年

崇正待詔數語宏  
開矣結語乃收勒

同王徵士聽楊太常彈琴篇有序

姓未識太常亦未聽太常琴江西王徵士于一

每稱太常通明音律尤善彈琴崇正十六年用  
軍功轉爲太常官使正樂嘗曰五聲乃亡角民  
流至耳所攜有二賜琴一爲開元供奉樂器秘  
保勿彈時取他琴操數章或出涕徵士有詩十  
篇和之故曰同也

成連入海不復返人問尚有雍門周呼天捨地抱焦木  
一鼓再彈雙淚流晉侯清徵召禘禴楊氏宮亡失行在  
五音升降得喪殊何事民流角聲敗蕭郎左衛本戎伍  
能定明堂五行舞誰憐故器抱殷遺遽使新聲寫淇浦

開元供奉燒尾琴上皇賜比雙南琛梨園旣散海青死  
但畱篋底空沉吟當年大合駕象輅尚對皇娥鼓瑤素  
鼎湖龍去竟不還自抱烏號哭晨暮毛姓家畜潞國絃  
諸王頌在崇正年欲貽太常共搏拊天涯修阻思茫然  
從今大雅日淫漫莫遣風流使中斷他日相逢袁孝尼  
願得先傳廣陵散

勞生入世隨地卽闕谷陵鍾情旣  
深不覺聞音觸發非無爲而作也

### 鞞鞞辭

東園紅繩百尺長花竿繡版懸畫牆春風鶯語吹綠楊

走風  
桃花飛映花竿傍。阿侯家本邯鄲。倡紅裙八幅羅帶。颺整裙理鬢。顧鮑郎。倩郎扶上鞦韆場。東園有女藏曲房。拋絲擲帶盤繡床。時當寒食呈新妝。曾來旋舞雙鴛鴦。於今相對羞頰頰。自憐不如繩上娘。初翻曲桁孤鳳翔。旋迴巾旆胭脂香。驚看欲墜低復揚。桃花滿竿飛夕陽。

又鞦韆辭

北來小妓善懸綆。春風翻花弄花影。南人長裙掃階除。依稀學得亦不如。少時曾看鞦韆戲。紅繩百尺低垂地。此時正值桃花開。畫版斜懸擲繩妓。驚鴻舞燕花桁明。

盤。繩。飛。旆。蛛。絲。輕。圓。墻。觀。看。頓。成。市。一。時。傾。動。蕭。山。城。  
十。年。兵。革。固。陵。口。寂。寂。東。園。散。花。柳。紅。繩。畫。版。不。復。存。  
此。妓。城。南。作。人。偶。春。深。三。月。猶。坐。家。脚。能。踏。地。手。績。麻。  
草。青。日。出。各。不。見。翩。翩。吹。落。紅。桃。花。

兩首合觀方有新故悲歌之感

錢編脩所藏司馬相如玉印歌

漢廷司馬梁園客。早歲爲郎晚馳驛。因慕邯鄲舊相賢。借取高名註屬籍。當時原有摹璽書。大者礪石小琢玦。螭首龜膊總啣帶。碧文綠籀皆施朱。相傳解玉刻小記。



想。山。福。然。事。寫。來。典。雅。

四角中央構名字。檄使填將喻蜀文。酒徒印作當壚契。  
 於今相隔年又年。不虞此物隔人間。土衣苔繡半斑駁。  
 銀鈎玉筋還新鮮。截肪徑寸覆玦紐。何必黃金大如斗。  
 錢郎得此真罕希。每與秘書通繫肘。會當天子好古。  
古。人。時。彥。聯。合。有。情。方。不。是。但。賦。玉。印。  
 文相如已。是同時人尚書給札。合繕賦落筆殿前如有  
 神。遂登著作人金馬名。在何須更相假。對策姑令董仲  
 先容才久為廉頗。下長安秋盡寒欲來。驅車一上昭王  
 臺。酒間出示爭把玩。令我懷古生徘徊。前人意氣不長  
 在。况復微文等光怪。何物雲英護此符。歷劫千秋不會

壞龍門遺冊。懶未收。圖書堆垛能生愁。我今欲借文園  
 篆。惹桃花紙上油。

詔觀西洋國所進獅子。因獲遍閱虎圈諸獸。敬製

長句紀事和高陽相公

古皇慎德開四譯。內被綏侯外蠻貊。貢物區為王會文。  
 共球載在賓筵冊。河鏐賦翟獻上方。兜離僭侏陳明堂。  
 三靈既應百神洽。般般之獸皆翱翔。康熙戊午十七載。  
 神武聲名播遙海。五時從教白澤來。千門真見黃龍采。  
 鴉翎習習負矢飛。雞斯之乘歸林支。諸方執贄儼相列。

東漸溟渤流沙西於中有國名古里。曾渡瀾滄作海市。魚眼看波射水紅。鮫絲織浪翻雲紫。地當申未產獸雄。金精傑出毛羣中。御繚飾組獻天子。裁貝作章詞禮。恭從容檻致射熊館。不爲珍奇爲懷遠。虎落時看接上林。鷹坊秋到移南苑。廷臣侍從欲賦詩。皇恩有詔徐觀之。圓目昂鼻有筋力。懸星掣電無雄雌。爾時羣檻柙諸獸。木壘槍樊列前圍。熊羆避路不用當。虎豹攀欄有時。吮青鸞赤雀相對栖。豪猪野馬爭游嬉。張昭見此不動色。朱亥在傍何所思。聞之有熊狩賜谷。獲得後貌比。

牛畜漢時安息亦獻獅。形似麒麟但無角。從茲郊祀播樂章。射鳥格鹿非尋常。饒吹已陳朱鷺曲。徵歌還及白狼王。何如儲侍未完緝。詔遣求賢共來集。東堂前布網羅成。西域剛逢旅獒入。招搖乍啟禁籞開。白麟有對皆奇才。請看太保卷阿賦。恍見文王靈囿來。  
詔觀獅子。是主徧閱獸圈。是賓篇中鋪叙賓主秩然。又得頌揚之體。不特詞采煥發已也。  
楊將軍美人試馬請賦

將軍航頭載美人。春行晚泊橫江濱。斜陽墮地草場濶。酒酣欲試紅麒麟。美人常服雙袴褶。青錦鴉欄紫絲結。

蟬鬢當風捲似雲。馬毛散汗吹如血。金錢壓口玉秣膚。  
馬前細立秦羅敷。見人羞上還將墮。壯士驚前不敢扶。  
調鞍整轡坐不定。忽見桃花滿春徑。將軍似妬九華鞵。  
在傍休視雙金鏡。明霞片片爭繞林。紅光落處桃花深。  
回頭失却珍珠礫。春草蒼茫何處尋。  
壯士驚前句極寫美人又極寫將軍韓致光詩自憐  
輸廐吏餘煖在香鞵杜少陵詩慎莫近前丞相嗔卽  
似妬休  
視意

金公子射虎詞

蔡州城東夜飛雪。公子朝裝絡寒鐵。錦柙抽將練影長。

角弓開處霜膠折。平臯木落狐兔稀。風吹淺草蒼鷹飛。  
近前雪窖有猛虎。暮寒攫雀嘗苦饑。中原神物應樞運。  
樵採年年不相問。豈是將軍在北平。只因太守爲南郡。  
圍場突出公子豪。從來豢虎將終驕。同行雄帥伏強弩。  
獨遣健兒燔柾毛。般般三獸起鬪格。吼入深林蟄雷坼。  
觀時朱亥尚倉皇。射得張昭動容色。長楊羽獵會有時。  
汝南公子真雄姿。請君暫息長鯨飲。聽我高歌射虎詞。  
倉皇之事却  
寫得整暇

射獵歌爲金公子敬敷作

汝南公子好射生。天寒射獵城東行。申陽一關跨九塞。  
招來游俠俱有名。平原積雪滿叢薄。上蔡新羅縱搜索。  
黃帝祠前雉漸肥。白牙岡上桑初落。雙鞬壓臂掣皂雕。  
桃花叱撥嘶來驕。銀鈴割就穿珠箠。碧血凝將淬寶刀。  
鞭梢倒插如蘆管。新織罽衣偏後短。腰帶橫垂海貝寒。  
指環細夾霜貂煖。虛彎明月過雁驚。忽然箭落秋雲平。  
青天毛血灑如雨。韓盧宋鵠空營營。枯蓬蕪肉當寒燒。  
地冽沙冰阻長道。望得黃熊驅不前。擲却瑠弓自調笑。  
斜陽入地馬若飛。懸禽帶獸盈金鞵。歸來但索駝酥飲。

醉臥花前金地衣

與前篇一  
樣章法

陳州村人或賦上陽白髮人者。姓過聞而感焉。

河南河北不種麻。上陽宮中無好花。玉溝流水載花出。  
從此宮牆不能入。宛邱東路桑落村。漂流近在村東園。  
黃門持鷓晚歸寂。公主望鄉朝負暄。西山盜賊走春電。  
花落重飛舊巢燕。舞鷺翻垂籞宿衣。漚麻添作宮姬線。  
金輿入蜀未得歸。道旁不用傷蛾眉。上陽白髮誰家賦。  
能使旁人雙淚垂。

沽酒

沽酒驛樓邊。楊花入暮天。車聲驚異地。門影記當年。江上兼程度。壚頭一醉眠。春鶯如有恨。啼煞碧簾前。

去年今日此門中是崔博陵銷魂處一結嫣然

送姚江黃晦木之吳

疎雨暗孤城。春山繞落英。涉江懷楚客。對酒恨秦檠。李程難定姑。胥草正生蘆。中人不見瀨。上漫經行。

禹廟

夏王四載告成功。別禪苗山起閩宮。玉帛千秋新裸薦。

衣冠萬國舊來同。金書瘞井封泥紫。窆石懸花映篆紅。

一自百川歸海後。長留風雨在江東。

連下七首俱嗣響唐人

朔方

天校神兵罷朔方。雙鍵不復掛漁陽。三秋白草緣關斷。萬里黃河入塞長。鐵柱分標滇外戍。金書異姓漢中王。從軍久負匡時畧。愁見邊關到夜郎。

少年

少年仗劍出關中。羽衛新招六郡雄。久許報恩逾聶政。

赴風 卷三  
平時飲酒笑秦宮。雞鳴曉日黃河動。雁陣秋陰紫塞空。  
當日枌榆遷欲盡。愁君馳馬過新豐。

爲屈生悼亡 并叙

羅浮屈翁山初造姓絕意婚宦游於方表暨登  
華峯題詩百韻關中李天生見而奇之代州將  
軍侯君有甥女王國色粧錢百萬邀爲贅壻山  
陰張杉遊嶺南遇生博羅請叙踪跡則王已病  
故且云吾乃失鳥獸儷顧逝者傾國致足悼蕭  
山毛姓吾昔好爲我賦詩初張杉於臨汾遇生

贈生詩云攜將華岳驚人句博取秦城絕代顏  
夙感其辭爰取秦字覽者謂能增伉儷之重焉  
傾城名士本相親况有蓮花入賦新寶篋未開瑤瑟怨  
瓦棺先葬鬱金人湘靈不斷終歸楚蕭史原來又去秦  
逝者果然難再得總教無淚也傷神

贈別

欲採江花贈別離芙蓉吹落晚秋時自憐此地牽裾早  
却恨從前解珮遲山岫暗搖潮欲上帆檣不動岸初移  
相看多少畱人處不獨垂楊幾樹絲

海東

會無候騎至回中。屢有旌旗向海東。去節王烏難繕塞。懸金魏絳又從戎。營連白晝龍城暗。繞發清宵鷺羽紅。燕頷猿肱愁未見。封侯曾數漢諸公。

衡陽

衡陽一望數峰高。雁去烟深絕羽毛。嶺海但能供荔子。滇關誰與種葡萄。戈連歲擾魚龍舫。花落春溫組練袍。新息舊標江界柱。天回南畔水滔滔。

寒食渡江

吳關千里燧烟通。掛去長帆返照中。三月暮春行海畔。兩年寒食渡江東。風吹官柳城邊綠。露浥山花壠上紅。惆悵故園年少在。鬪雞蹴踘與誰同。

謁嵩嶽

太室開天表。崇邱奠土中。主名高四域。受秩比三公。日月環區宅。陰陽割混濛。歌崧揚峻極。望祀體昭融。華蓋標方嶺。金壺啟上宮。翁河承漢禪。卜洛載周工。別觀翔脩鶴。層城倚大熊。藏書憑玉女。過澗遇青童。洞閉能圍雪。梯長恍御風。羣山咸拱嶽。萬歲自呼嵩。槐弟封堯爵。

葛羊探少翁。浮邱閒駕羽。子晉妙吹簫。石酒龍精白。崑  
花鳳首紅。烟霏春渺渺。水滴午滢滢。虛壑涵深鑛。空梁  
拔斷虹。天關應再闕。帝座儼相通。險塞分河內。靈祇屈  
岱東。神京懷舊服。終古賴攸同。

典麗  
稱題

### 贈柳生

流落人間柳敬亭。消除豪氣鬢星星。江南多少前朝事。  
說與人間不忍聽。

### 除夕作

旅館椒花紅欲然。椒盤愁向客中傳。如何纔聽金雞唱。  
便喚今宵是客年。

蘭亭叙所云俯仰之  
間已爲陳迹者也

### 有贈

雙瞳曉剪巴江水。一笑春生楊子潮。杜牧不來韓壽去。  
絕代風懷。可憐二十四條橋。

### 秋夕懷友

黃榆落盡蒨門秋。都尉臨關換罽裘。只有嚴寒蘇屬國。  
還持旌節海西頭。



妓墳

葛洪井畔麗人家。隔歲山前葬女娃。幾寸綠蘿衣上土。春來開作野梨花。

長門怨

玉殿金缸晚色新。殿前少使繡麒麟。夜來恐索長門錦。要賜平陽歌舞人。

即簾外春寒賜錦袍。意不言怨而怨自深。

和燈夕詩

有序

友與當壚者會燈夕已當壚者他從遠矣次在

是夕重貽詩和韻應友人之請或曰邱隨事

碧雞坊裡聽吹簫。紫嶠紅泉隔路遙。萬樹銀花一輪月。依然今夕是元宵。

依然兩字無限含蓄

送高公之任惠州

嵩螺山下古龍川。瘴裡花飛繞翠田。前去陸郎須記得。尉佗今是漢家年。

秦淮老人

秦淮高閣擬臨春。中有仙翁髻似銀。話到陪京行樂處。

尚疑身是太平人

分明身遭離亂翻疑尚處太  
平一夢繁華何時喚醒耶

即事有序

宿竇家瀆賣漿婦連連日子問曰非毛氏小郎  
乎妾故保定伯家婢也向屯西陵渡時上嘗饜  
郎郎不解食生炙息索脯洵之妾以笑被杖寧  
忘之耶予聞之憮然就飲解橐中金餉之去伯  
籍北平毛氏同姓故食其營大兵下江東全軍  
歸降為提督京城西門家遂散失婦善擊阮汾

州人云

錦帳雙鬟貌似花河陽軍散各天涯可憐紅字三家店  
不買青門五色瓜

二十八字可抵

一首杜秋詞

徐咸清字仲山上虞人諸生。仲山先生為先家宰

女皆閨中之秀有林下風香閣倡酬金春玉映康

熙已未以諸生應博學鴻辭科名試體仁閣下

所著有字攷一書徵引賅博卷帙浩繁

聖祖知其名問字攷何書旁一侍臣對曰小書也因而

放歸輦下鉅公贈行云北闕上書爭識西京才子  
東軒賜食歸貽南國佳人一時艷稱之雖不得仙  
亦足以豪云

登岱

東行望泰山。了了青芙蓉。驚翻碧海色。飛落徂松漸。  
近滅翠靄。未到聞清鐘。攝衣更攀陟。曠然開心胸。  
幽花炫日月。異草迷春冬。俯視小天下。知爲衆山宗。  
不識何年代。盛典來登封。玉檢金泥函。瑞氣羅千重。  
七十二君蹟。風吹杳無蹤。淳澆久已判。舉手將安從。

晨登千仞巔。佳氣何氤氳。天門射渴日。彩霞落紛紛。  
元氣自流轉。不知晝夜分。窈窕古英妃。飄飄紫綺裙。  
天漿漱皓齒。玉色含微醺。結成金芝蓋。卽是前峰雲。  
手持一

方冊授以太始文。回首隔霄漢。散失鸞鶴羣。瑤簫去縹緲。餘音不可聞。

我往謝時輩。岱宗來攀躋。身披紫綺裘。足躡青雲梯。舉目周宇內。祇覺羣山低。元氣一分散。萬象忽已迷。長風襲衣裾。九夏寒淒淒。驚雷足下起。細若嬰兒啼。不覺驟雨過。倒景銜峯西。縹緲紫金梁。屈挂垂天霓。熟視不敢蹈。恐踐仙人栖。出有而入無。誰能測端倪。前登日觀峯。峯勢高崔嵬。疑有扶桑枝。近拂天門隈。天雞叫一聲。八荒忽洞開。驟聞東溟底。奮出南山雷。海霞

邊金光沸水煎蓬萊。卽知巨鰲骨散作瀛洲。灰瀕洞長。  
風吹秦橋爲崩摧。滄波日清淺。僅復容渡杯。五色何方。  
雲擁護金銀臺。昨傳玉棺下。又葬王喬回。乾坤空浩蕩。  
萬古無仙才。

四章有次序。○五光徘徊十色  
陸離具此才。藻方許作登岱詩。

京都篇用杜洗兵馬韻

京都形勢連關東。萬方玉帛朝會同。英靈社稷風雲表。  
圖籍山河指顧中。耕鑿從前忘帝力。干羽年來戢武功。  
臣僚師濟太和殿。天子恭默乾清宮。徑可垂裳阜民。

物不須訪道過崆峒。玉門月靜傳烽色。銅柱天高洗瘴。  
風受歷應天才不小。祥符瑞籙古來少。帷幄英謀布遐。  
邇。廟堂德意淪深杳。將校論兵轉精銳。守令爲官輒明。  
了。涸轍終應活鮒魚。卑棲自合安窮鳥。海島無煩義士。  
從。吳門不用愁腸繞。六服蒼茫鴻鴈集。九天搖動星河。  
曉。此時世事誰禁當。非民非庶非侯王。太平有象定難。  
見。身縱貧賤猶康強。馭衆眞看調六馬。防民慎勿壅宣。  
房。腐儒寸心夙愚昧。杞人翹首憂穹蒼。緬懷區夏風塵。  
息。想望天家籌畫長。放牛歸馬神功著。擊壤歌衢景運。

昌梯航山海俱來貢。人民老死無迎送。閭闔何時降綠  
 圖。滋液崇朝滿銀甕。羣工漫議東封禮。太史好獻南山  
 頌。處處鼓聲村社飲。家家農器桑田種。賢士雖虛傅野  
 築。哲王尚切商巖夢。致君堯舜自有人。布衣末議成何  
 用。

杜老一篇鋪陳宏麗而此能繼之杜則實叙時事此乃虛摹景象又自不同  
 羅坤字宏載號蘿村會稽人諸生康熙己未召試博學宏詞著有蘿村詩集

戰城南

戰城南。天地昏。陰風怒。愁雲奔。鼓聲日暮無休息。戰場

熱血飛驚魂。流矢亂如雪。生駒嚙斷鐵。壯士力拔山。不  
 惜寶刀折。今日進車騎。明日封驃姚。天子賞功良不薄。  
萬。骨。枯。意。  
 城南白骨如山高。

古朗月行

團團秋夜月。相對十五女。涼露濕羅衣。低頭淚如雨。屈  
 戌流蘇好第宅。長廊漏靜芙蓉白。飛螢宛轉欲依人。墮  
 落玉釵空嘆息。瑤臺叢桂何青青。滿地濃陰掃不得。

別有幽趣無樂府浮響

遊蘭芎福仙寺

碧嶂摩雲霄。蒼寒峰勢削。磴道接雲林。藤蘿護丹壑。上  
有仙人居。紫芝細烹瀹。丹成久已去。時還華表鶴。至今  
地脉和年深。產靈藥。高寺有碑文。苔痕字摧剝。我來登  
山巔。石浪何磅礴。亦如奔怒獅。衆獸相驚愕。俯瞰烟霞  
低。微茫見城郭。夜半鳴江濤。沉雷嚼山脚。緬懷稚川翁。  
馭氣欣相託。

題想想園爲孫坦夫

孫公喜園林。結想爲畫圖。一卷古岩壑。中有幽人廬。荆  
關揮洒真妙手。五日一松三日柳。亭臺位置總天然。雞

犬圖書無不有。孫公高致貧無錢。胸中結構想名園。想  
園圖成意盤礴。臥遊一室如神仙。令子坦夫攜此卷。展  
卷踟躕復悲惋。先人清宦無所貽。想園便是蘇門產。可  
憐荆棘蔽園陵。復道西風暮雨青。雲中樓閣斜陽影。六  
代繁華幾廢興。迴想想園殊可愛。至今尺幅林巒在。題  
詩更呼想想園。羣公翰墨真光怪。高踪宛爾見古人。令  
我慷慨徒沾巾。卷中已有桃源宅。何必漁舟再問津。

寶劍篇

君不見太阿芙蓉夜吐光。黃金匣內凝秋霜。牀頭時作

雙龍吼紫烟。黜黜騰七裏。壯士孤行四海久。俯視茫茫  
無敵手。和歌擊筑高。漸離意氣如山真。不偶可憐大地  
等虛名。魯朱劇孟難爲情。何時得遇舊荆卿。與之片言  
論死生。白虹何燦燦。迸落明河漢。神物不可當。莫便連  
城換蛟螭。不隨風雨來。魍魎畏向山中見。牢落風塵二  
十秋。寒光拂拂吹人面。噫嘻吁。丈夫落魄何足憂。勸君  
有筆須早投。雕蟲小技良可羞。學書不如且學劍。扶風  
亦是書生流。

灌嬰廟瓦研歌爲李梅公先生作

君不見灌嬰廟。瓦如黃壁。使我對之奪魂魄。陸離古色  
久摩挲。土花蝕透千年碧。英威憶昔灌將軍。飲酒叱咤  
奔風雲。磅礴雄豪如可覩。至今祠廟惟荒榛。漢家宮闕  
不可問。未央承露歸浮塵。可憐誰識將軍廟。中瓦只有  
南州耆舊李司馬。銅雀澄泥何足論。冥搜博物推風雅。

入李司馬道以系。

頗黎寶匣千黃金。青社紅絲出其下。梅山小隱清且幽。  
梅山先生同朱夫人有讀。藤蘿滿逕凌滄洲。朱絃玉笛  
書別業。顏日梅山小隱。紛相奏歌舞。滕王今尚畱。學士焚魚有深意。一硯歸畊  
案頭置。揮豪真見衛夫人。腕中咄咄將軍氣。

結語并及朱夫人  
妙在不脫灌將軍

築河行

君不見。見天河。一瀉不得收。化作滔滔萬里之河流。上天  
下地迥莫識。乘槎漢使難追求。積石龍門劈世界。一洞  
一湖何滂湃。激磕喧。怒氣不平洶洶呼。得五丁拜自古。  
河源不可知。沉珪投壁多光怪。淫霖兩月豈等閒。洪波  
瀰漫懷邱山。到此衝湍勢盡立。長堤一決無遮闌。黃淮  
力併更迅怒。白馬連羣疾奔赴。灌沒堅城亦產蛙。何止  
區區漕運路。去年築河堤。新土築未平。今年築河堤。堤

壞不得成。徭夫晝夜無休息。築堤登登如築城。築城有  
歲月。可以計工程。築堤多水怪。下有鮫與鯨。安能手執  
驅山鐸。立遣河源却倒行。

李廣射虎石

春風拂拂吹邊城。春濤淼淼灤河清。綠榆赤杏東郊發。  
今日重過右北平。北平城南多砂磧。馬驕蹀躞愁行客。  
平生苦憶飛將軍。特覓南山射虎石。射虎之石何昂藏。  
巉巖一似牙爪張。自昔將軍怒飲羽。至今牧豎驅羣羊。  
將軍英威不可再。百戰窮邊安足怪。等閒生縛射雕人。



大呼名姓賢王拜。可憐塞上寒雲流。關山月白如深秋。  
 人生遇合堪太息。將軍垂老難封侯。嗚呼將軍忽成故。  
 慎勿相逢醉尉怒。

戰象行

滇南弄兵有戰象。象躍距犇騰能奮。在材官劔戟不可當。  
 如山排壓何其莽。南軍北軍爭相持。山頭壁壘森旌旗。  
 此時烽烟正旁午。無數樓船震荆楚。但說衝鋒陷陣奇。  
 象兵跋扈如貔虎。梟殲獍滅鯨鯢死。一朝驅象如驅豕。  
 蠢然送爾入燕京。逐隊隨班見天子。吁嗟乎昔時戰

象何辟易壁上觀之難與敵今日垂頭躡尾來哀汝○為○降○將○軍○寫○照○讓○刺○哀○憐

隕抱羞色象乎象乎數運同既來何必憂忡忡○皇恩

浩蕩不可窮人生富貴如轉蓬朝入秦兮暮入楚等閒

仍得為三公

一結在詩題為餘意在詩人為正意。寄托遙深借題抒寫筆力能佐之卷中七古此為第一

舟中即事

吳嶠青無際烟波帶雨痕。蒹葭飄淑口鐘磬落江門時。  
 序秋風改交情古道存。回看故鄉雁旅思動黃昏。

周計百司李招飲舟中同陳士業陳元水徐伯調

陳康侯都平倩

芳草碧連空。樓船返照紅。珠簾蛟蜃。雨錦纜。鷓鴣風清。與憐王粲。高懷識庾公。憑闌時縱目。歸路水雲中。

道場山絕頂

山勢摩空峻。天青塔影孤。樓臺羅衆岫。眺望盡三吳。雲重封苔碣。鐘沉響石湖。振衣還一嘯。峰半起羣鳥。

弔孫太初墓

蕭然高士墓。一徑薜蘿深。荒碣有名姓。空山無古今。泉聲寒夕照。鳥語落春陰。五嶽生前跡。茫茫何處尋。

太初自號太白山人或云安化王孫生平徧游名山予愛其訪樵者詩云隔雲伐木聲遙憶林深處王弇洲酌墓七古一篇奇崛此以清幽勝

送愚山先生入閩中

叢桂秋風老。湖亭別緒多。論交思夙昔。吾黨果如何。冰雪畱詩卷。衣裳帶女蘿。桐江前去路。紅葉滿滄波。

步吳梅村先生韻呈蕙公

載酒同遊處。苔溪與弁峯。王孫三品石。天目六朝松。得句諸賓和。栽花候吏從。世情方潦倒。吾道自難容。

蕙老以宴游好客去官詩乃實錄近時太守此調不彈如廣陵散矣梅村贈詩有官如殘夢短客比亂山

多之句想亦  
蘭艾不擇也

潞王宮

上黨諸王府。誰聽舊管絃。女墻多蔓草。客路散榆烟。璧  
月沉宮井。銅駝臥塚田。晉陽仍似昔。玉牒已茫然。

度居庸次壁上胡梅林尚書韻

當關山更險。峭壁盡摩空。樹簇虬龍影。溪號虎豹風。洪  
濛天地老。戰伐古今同。幸得車書一。安行客路中。

宿居庸

形勢逼嵯峨。人家倚薜蘿。危峰盤雉堞。立石插星河。客

夢因關阻。秋風入峽多。側身邊塞道。彈鋏向誰歌。

宿仁壽寺同甫草

朱閣凌空峙。殘陽蔽夕陰。一燈圍佛影。孤夢肅人心。月  
與槐烟淡。寒因麥雨深。悠然鐘磬曉。不覺滌塵襟。

燕子磯看月

三度江南月。磯頭又獨看。蛾眉空自好。銀漢逼人寒。村  
火黃昏近。潮聲午夜殘。六朝風景舊。何地寄悲歡。

三四淡  
如秋水

小孤山

孤山

到此江流碧。森然卓髻螺。佛樓危磴仄。仙珮水雲多。歷  
級凌霄漢。行帆碍薜蘿。夜深瑤瑟響。明月淡滄波。

情深

石鐘山

何年神斧擘。絕壁障空江。山鬼森如搏。蒲牢怒未降。垂  
蘿侵洞戶。懸乳結旛幢。夜半鈞天奏。應知水石撞。

登金陵觀星臺

百尺臺仍在。觀星久不聞。空餘後湖水。猶起六朝雲。王  
氣山河改。天心象緯分。京華頻北望。瑞靄正氤氳。

五六移  
撥不動

平坡寺

山勢真開敞。招提復建初。人來殘雪後。碑問北朝餘。鐘  
鼓通天漢。丹青儼帝居。老僧宏願力。龍象豈空虚。

題健松齋為方渭仁

手澤先公在。栽松歷歲寒。應憐兵火後。好作故人看。冰  
雪相磨鍊。龍蛇自鬱蟠。永懷嘉樹傳。解帶向岩巒。

三月三日。蘭次太守招集愛山臺。同吳梅村先生。

張菊人吳漁山徐原一孫坦夫宗鶴問茆楚畹

江辰六作脩禊之游分賦

良辰禊事繼前脩。人到吳興有倡酬。三月韶光如薄醉。六朝名士重清遊。桃花已落春申浦。蘋葉初齊柳暉洲。祇恐重來易惆悵。樊川特為水嬉留。

駱宥風流令人想永和勝集

贈丁繼之

青溪環檻淨無塵。鶴髮垂肩憶好春。子夜徵歌前度客。寧王摩笛舊游人。夢華細數昇平事。濺淚猶存落拓身。最是傷心南院地。張徽亂後不辭貧。

音格蒼涼如聽寒門曼聲清淚承曉

度入達嶺

盤空磴道入雲長。蒼莽關山又一方。自古乾坤分內外。至今城郭老風霜。地當台吉迎笳鼓。車度媯川載酪漿。近幸溫泉頻駐蹕。客途羸馬喜康莊。

是邊塞烟雲非尋常風景

贈施亮生鍊師

新秋朝雨洒蕉花。金磬泠泠羽客家。自有青牛眠洞壑。不隨黃鶴入雲霞。醮壇風靜諸天肅。道院香清列宿斜。

最。是。世。人。狐。媚。劇。煩。君。法。篆。寫。丹。砂。

滕王閣

傑閣凌虛勢轉孤。憑欄雨雪滿江湖。登臨六代多詞賦。金碧千年冷畫圖。棟鵠凌風寒欲墮。檣烏入暮競相呼。何須庾信傷搖落。且醉章門舊酒壚。

登岳陽樓

南楚征人尚荷戈。巴陵臺榭獨經過。吹殘哀角城頭寂。戰罷樓船水面多。六載陣雲愁隼鷲。一湖兵氣徙鼉鼉。蒼茫亂後誰憑眺。越客橫襟自放歌。

泊洞庭

荆南何處采芳馨。此日樓船罷洞庭。曾訝銀濤沉折戟。猶傳銅鼓落妖星。荒原漠漠哀鴻亂。大壑陰陰鬼火青。孤客不堪遙極目。自憐踪跡等浮萍。

寄友

靈均江上偶經過。憔悴行吟可奈何。天末雲旗長汗漫。人間雪鬢幾消磨。湘君祠廟藏斑竹。山鬼衣裳帶女蘿。夜半可堪梁月滿。鷓鴣啼處旅愁多。

寄感

飲馬河干。部曲驕。山川南楚。總蕭條。烽烟動地。驚飛雁。  
鼓角橫秋。看射鵰。故壘蒿萊。風獵獵。空城鼠雀。雨蕭蕭。  
傷心底事。頻搔首。漁父滄浪。不可招。

就亭

朝望江口雲。暮看江心月。芳洲翡翠鳴。沿流棹歌發。  
遙望吳與楚。悠悠二千里。飛來妙道自然渡口。雲化作清江水。

題畫

過雨聽流泉。泉聲遶屐齒。空林人影疎。但見春雲起。

題黃翠閣

雨過一池紅。菡萏杯傾半。閣碧蟾蜍夜。深鸞嘯空中。發  
知有仙人讀異書。

秣陵寒食

花草千年有。泪零轆轤宮。井照春星六。朝金粉傷心盡。  
南院無人更踏青。

抵宣府

飲馬長城日欲晡。邊風淅淅樹啼烏。一聲哀角牛羊聚。  
青草屯烟蔽上都。

康臣戲成打棗歌因和之

棗葉疎疎棗子垂。行人立馬復遲遲。林中多少長竿女。  
也學江南淡掃眉。棗葉青青棗子紅。兒家恰在棗林中。  
今年棗結枝枝滿。不比蓮房一半空。

懷閻古古

鵲血朱弓獨挽強。孝廉姓氏少年場。而今白髮東頭市。  
屈眼黃衫老賣漿。

同大可康臣實臣并邀丁繼之泛秦淮

綠水迴波桃葉渡。紅窗屈戌木蘭舟。上陽白髮畱遺老。

碎雨零烟說舊遊

夜聞大風雨

大旂獵獵捲風雲。刁斗森嚴夜不聞。知是怒濤天上落。  
群龍歸謁洞庭君。

風雨神靈  
迷離恹恍

葉雷生  
字蕃仙  
山陰人

同化山師樵風首座泛舟訪林處士墓還宿湖南

百二河山此地孤。先生終古獨稱逋。羅浮夢醒梅非昨。  
遼海人歸鶴已無。隔水暗塵橋上馬。倚闌殘照笛邊湖。



案謂詣為明大學士曾存雅負奇志早入後社中有名

何人又續前身話。燒芋三更撥地鑪。

朱士稚字朗詣山陰人布衣著有道南集

狹邪行

結客吳楚際。遊行京洛間。徵歌不停音。絲絃哀以繁。濬顏出阿閣。妍跡傾素歡。流盼約朱唇。垂袖鳴金環。海水添宵漏。春芳留錦筵。人生貴適意。世路如波瀾。容華一朝盡。綺麗坐自捐。虛名守道德。極枯終殘年。

有山樞風人鐘鼓弗考之意不知者乃云導荒誨淫

張宗觀字用賓一字朗屋山陰人與朱朗詣齊名時號山陰二期朗詣坐事繫獄朗屋號呼於所

知斂。雖賁賄。獄吏得不死。友誼之敦。可以讀其詩。而想見矣。

獨漉篇

獨漉獨漉。高岸深谷。豈不欲渡。慚無車軸。一鴻生北野。翩翩南翔。悲風四合。亂我行藏。二普天同雲。雨雪灑灑。念我故人。躊躇中野。三天生快馬。必有勁旅。士無知己。泣下誰語。四猛虎在山。亦有人行。一夫執志。七國縱橫。五

祁鴻孫字奕遠山陰人

慎儂歌

案奕遠為忠惠公孫子監國時嘗募兵卒以抗江師潰遁去

雙鴛隔雙鼻。織縑一百罽。兩月不成匹。歡從石城來。幾日到襄陽。亮無新艾納。那不思故香。

二詩之古在骨

何之杰 字伯興。蕭山人。初與徐伯調。毛大可號。越中三子。刻有合稿。

送王雙白西歸汎舟湘湖感懷之作

晶森澄湖誰所鑿。飛泉百道爭縈薄。遠樹平臯沒晚烟。浮雲海外橫秋郭。三百年來有此湖。橋頭兩槳無時無。湖裏鴛鴦足菱芡。湖上美人愁鷓鴣。鷓鴣菱芡長如此。秋月春花空碧水。樂府猶傳羅噴章。宮中誰識元才子。

千金教舞百金歌。月華不住清尊裏。吁嗟世事如奔電。風流王謝難重見。綠樹青山冷笑人。白璧黃金真可賤。我公卓爾當世師。布袍草履來何遲。結客不須飲河朔。濯纓自咏滄浪詩。獨立蛾眉誰不重。繇來大厦需隆棟。此日沙棠狎白鷗。他年桐樹推高鳳。臭味還疑昌歆偏。神物會有風雲送。秦皇苦欲求蓬萊。丈夫鼓氣爭喧豨。雷濟蒼生歸未晚。與君共醉昭王臺。

寒食

寒食今宵雨。桃花又一年。暮雲低接海。春水動浮天。消

息空豺虎。風波感杜鵑。謝公雖不起。心爲萬方懸。

花朝日借徐伯調黃開平呂幼陶暨一發姪集姜

桐音齋頭

一度春風到若耶。相看王謝舊人家。壺餐明潔三湘水。  
薜荔參差二月花。兄弟兵戈愁宇內。文章海岳聚天涯。  
莫將不盡新豐酒。潦倒尊前擲歲華。

一氣宛轉  
輸快自得

長至後

黃梅初罷雨庚庚。黃雀生風遍海瀛。疊水賣瓜周曲步。

單舸折芰下陽城。逢人襤褸知炎冷。隨意鍋鑪就煮烹。  
恐是石枰多煨腹。故依遠水傍駁驂。

魏方炳

字大方山陰人布衣有問霞閣集

懷祁季超

結想絕塵俗。誅茅平原陽。杜門長謝客。托疾真清狂。聞  
昔入山初。日月盛有光。豈其愛五雲。而不志四方。壯夫  
思挽強。哲士感履霜。空山自太古。蘊釀歸真藏。一葉知  
世秋。與君歌滄浪。

氣度春容  
力追正始

孟冬偕裘隆道李文生登谿西山

磴道凌烟霄。登臺望雲氣。曾未上此山。臨之若有異。異。  
見道之言。不在崇卑要在所處勢。長林貢清深。丹楓奪其翠。背巖而面谿。斷續巧位置。倘得一枝栖。塵喧亦可避。

暮秋偕陳月士裘隆道李文生登赤莖山眺望有

懷李子輿

千峯驟馬復脫兔。白鶴神龜。二山名。攔不住。怒猊渴飲望。  
秦東迺視任公垂釣處。山邊烟火蒸如霧。赤莖山中能。  
幾樹碁石丹泉浪得名。我亦乘風待君渡。百情惟遠心。

惟素碧烟盡際飛僊路。忽懷高隱在平原。簡黠殘秋屢  
回顧。

一起奇矯竟體  
亦縹緲有逸致

廣陵有懷越中諸同學

作客但依客思歸。頻夢歸愁連春草長。意逐野雲飛。自  
是天涯僻。毋嗔雁字稀。登高倘相憶。應亦望斜暉。

越風卷四

會稽商 殷寶意評選

山陰劉文蔚豹君

叅訂

會稽宗聖垣芥颿

山陰王大治又新編輯

吳興祚

字伯成號畱村山陰人官兵部尚書著有巡海詩草

自香山縣渡海赴濠鏡壘

氣色可怖

欲經濠鏡壘。薄暮正揚舲。風雨聲相搏。魚龍氣自腥。黑雲迷遠嶼。白浪擁孤汀。隱隱聞鐘鼓。蠻歸議事亭。

慈銘案畱村亦遠  
東漢軍籍

霜降祭旗纛追憶昔年行間有感

酬神霜降日。回憶昔年勞。戰苦雲生纛。摧堅血染袍。祇云求罪薄。焉敢論功高。廟算無遺策。殊方貢旅獒。

過一八灘

費盡篙師力。纔經十八灘。月斜檣影亂。風定櫓聲寬。怪石觸舟怯。飛濤驚夢寒。曾聞三峽險。不似此行難。

海口八字山礮臺

並馬登臨際。重雲黯未開。班師存舊壘。遺策問荒臺。八年巡海大臣設。蜃氣因風散。濤聲挾雨來。等邊勞指顧。端

藉出羣才

電白縣觀海

劃然開眼界。咫尺辨滄溟。日照沙邊赤。春生島外青。鯨鮞今不見。樓櫓昔曾經。海若知主化。年年効百靈。

俞式玉

字徵仲。會稽人。著有浮筠草。

感遇

昔余慕高尚。頗與世相矯。躡躑登匡廬。扞志謝塵表。四顧儔侶無。遐心自渺渺。曼聲發長歌。仰視蒼天小。遙覩羽衣人。來從三山鳥。瑤車驟飛龍。翠蓋紛幢葆。見余卽

呼名殷勤若舊好。言有一卷書。詞簡義冲宵。請挈子同歸。科斗事冥討。勿貪鸞鶴信。終當授至寶。余則稽首陳。奉道苦不早。飲酒雖不多。却亦不能少。更復耽熟眠。昏昏不知曉。結習並如茲。荒怠難自保。豈敢任元功。經熊而伸鳥。多謝懇懇衷。誠自愧懷抱。語罷問驚湍。窮山竟杳杳。

從昌黎記夢一首脫胎而敷詞質實別饒生趣

### 銀瓶怨

覆巢無完卵。此言良可憐。行看蜀井火。祇作季興烟。身

是父所生。瓶是父所將。抱之沉井底。鏘鏘骨肉香。

周遐祚

字又康。山陰人。著有寶香堂詩集。

虎門觀海同屈翁山張桐君

朝出城東門。遐睇遵南陌。山川洵綿緲。汗漫恣遊展。春明景如融。海曙浪初激。洪流凌八荒。颶颺撼四極。濡沫動長鯨。島嶼發龍蟄。遠使雜番臣。巨舸脩貢職。白象珊瑚枝。照耀駭行客。燭龍吐朝暾。日車指地坼。中有蓬萊宮。峩峩列仙宅。余欲從之遊。滄溟渺難測。

### 浮山歌

神禹遺跡存浮山。功成萬里皆安瀾。浮山之石真奇絕。高僅尺餘色如鐵。崢嶸祠廟浮山隅。古壁繪作山海圖。神龍異獸駭人目。蛇鬼魚鳥狀貌殊。自昔洪荒水衝激。龍門浩蕩凌積石。余讀禹貢思揚州。南條北條爭羣流。源自岷山下荆楚。洞庭彭蠡水勢收。入江歸海得所治。生民粒食安田疇。君不見迷樓黯黯黃昏月。瓊花璀璨一時歇。天生帝王貴立功。凡夫空與烟雲沒。○竟○住○老○

### 禹廟

明德傳來遠。空山古廟存。經文披嶽瀆。帝力盡乾坤。○渾○成○松

栢千年勁。衣冠百代尊。河渠憂未息。疏鑿尚堪論。

### 途中寄雪舫

君向天台路。飡霞度石橋。○四句遙對○余來屐子瀨。坐雨候春潮。水宿魚龍近。山荒虎豹驕。定知華頂上。詩意入雲霄。

### 江上

江草經春碧。江花入夜寒。○如○彈○丸○脫○手○那知江上月。又向客中看。顧影思鄉國。消愁把釣竿。還沽村舍酒。一夕強爲歡。

### 至三衢

萬里悲戎馬。吹笳不可聽。○老○辣○山高橫殺氣。日午見飛星。鄉



路音書絕。天涯涕泗零。荒郊回首處。鬼火亂青冥。

夜月

四句一氣。

今夜關山月清光。兩地看闈中凝望處。應念客衣寒。露濕砧聲緩。秋高木葉乾。迢迢千里外。疎雁入雲端。

燕臺雜咏

宮殿參差瑞氣浮。燕山晴色曉雲收。香生豹尾穿花去。日煖龍旂出塞遊。南國兵戈初罷戰。西州將帥半封侯。書生空有雲霄望。萬里愁生兩鬢秋。閶闔初開禁漏殘。螭頭香繞五雲端。繡衣御史瞻天仗。

紫袖昭容引從官。易水春濃花影暗。薊門秋老雁聲寒。共知戚畹新承寵。青瑣朝回望露盤。

瓊臺綺閣五侯家。盤髻春粧七寶車。銀甲健兒吹簫築。錦靴羗女鬪琵琶。紫驕嘶斷宮門柳。青鳥啣殘上苑花。聞道翠華郊外去。千羣獵騎臥龍沙。

雙闕龍盤火鳳新。夜喧士女遍城闈。平陽艷舞迎仙蹕。太乙新歌徹紫宸。烟遶液池千樹月。燈懸花市萬家春。獨憐海畔離人淚。征戍年年逐塞塵。

遣調選詞  
宮商輯洽

憶西湖

六橋花影入清波。畫舫春風載綺羅。日日西湖見西子。却聽吳女唱吳歌。

調笑有致人情貴  
遠遺近大率如此

蕪城雜咏

堤上千條碧柳垂。昔時宮殿草離離。可憐隋帝行遊處。迎輦花殘失寶兒。  
風來沙岸散晴嵐。嘹唳征鷗怨不堪。秋水連潮迷極浦。青山不斷是江南。

彷彿元  
遺山

廣州竹枝詞

越王臺下動香塵。幾處看花有麗人。十月梅花正月桂。嶺南開遍四時春。  
五仙門外蛋船過。蛋女新妝映綠波。向晚乘潮去三水。船頭正唱摸魚歌。  
琵琶洲上弄琵琶。畫舫張燈照碧紗。估客盤擎人面果。蠻姬鬢插素馨花。  
祖廟波羅一水間。珠娘巫女不曾閒。迎神擊鼓扶胥口。

一片霓旌下佛山。

繡成七十二鴛鴦。描得春山一寸長。閒抱薰爐簾外立。

泥人私買女兒香。

攀枝花發影離離。香閣春寒二月時。愛嚼檳榔紅沁口。

玉階小立唾胭脂。

魯

超 字文遠號謙菴會稽人官廣東布政使

次和王將軍宴集許觀察西園原韻

碧。幢。坐。鎮。運。籌。勞。棋。墅。還。從。謝。傅。招。小。隊。花。迎。香。滿。旆。  
芳。堤。草。長。綠。通。橋。投。壺。技。好。娛。清。晝。解。甲。身。閒。托。聖。

朝公宴當年傳鄴下西園風月未曾遙

解甲投壺寫出承平鎮帥樂事

駱復旦

字叔夜諸暨人明經官縣尹著有桐蔭堂詩鈔

過彭蠡湖

去秋方八月。挂帆自吉州。沿洄未十日。便作彭蠡遊。月  
色下昏黑。搖曳指前邱。遠望樹如薺。出沒波上鷗。斯須  
達彼岸。星影蕩江樓。今來已十月。匿跡惟方舟。揚舲泊  
荒渚。四顧無旌旂。蒼茫連一氣。浩瀚彌冬秋。蘆花白於  
雪。遍滿湖上洲。中流初擊汰。陽侯忽怒浮。榜人齊失色。

篙櫓各亂投。幸無破冢失千里。仍啟裘歸與事桑牖。天漢無安流。

大安寺古鼎歌

寺中古鼎何剝落。云是赤烏前代作。晉宋流傳千百年。神物爛爛存佛閣。金銅仙人擁露盤。魏宮西指淚沈瀾。  
驪山風雨暮蕭瑟。鎬池白壁空烟巒。橫。插。四。語。波。翻。長沙父子橫江起。  
東吳事業須臾耳。草草君臣數十秋。英魂毅魄沉江底。  
此鼎巋然峙梵宮。碧文丹蘚照江東。護持原藉諸天力。  
初置應緣造化功。遊人落拓頻經此。感慨寧從晉魏始。

羸顛劉蹶總尋常。廟社鐘鏞同逝水。

洪州對雪歌

昔時曾對西京雪。千山迢遞飛鴻絕。把酒時懷金闕鐘。  
振衣欲試通侯節。今年流滯住洪州。雨霰經旬雪未休。  
黃雲索寞霾深巷。使牒追呼盡故侯。還思汾晉驅車日。  
何似山陰夜雪舟。甲辰元旦余道經汾晉大雪二丈餘

近李東川

憶昔行爲同年杜杜若賦輓

昔時重作長安遊。黃金駿馬青腋裘。西秦幕府雅好客。

華燈夜宴羅公侯。涇原父老髮皓白。攜壺負擔盛珍羞。  
故人温與亨李玉作進士已凋謝。杜陵猶自餘風流。相逢並  
轡青門下。平生磊落爲君寫。出君貂錦解君囊。深情浩  
氣誰能假。迴鞭策馬古雲中。白雲在天雪在野。一別經  
今六載餘。春樹堂中兩寄書。桃花斷岸千檣集。楊柳輕  
帆幾度舒。李郎此瞻六月來嶺徼。登堂一揖長悲嘯。宣  
室今虛使者車。渭濱那見興王釣。余今側足羅網中。豺  
狼虬蜴常相攻。君往夜臺長坦蕩。豈知人世多蒙叢。陽  
春三月花方發。令弟悲歌返林樾。君墳宿草我言歸。會

當一訪山中碣。

君往夜臺二語言生者不如死者之  
樂感慨深矣猶詩言樂子之無知也

秋雨

新涼初浴罷。小雨散崑秋。樹影長移郭。江聲半入樓。輕  
紈無溽暑。孤劍是純鈎。搖落經三歲。棲棲此滯留。

送馬少府之思明任

赤嶺今看負弩迎。秋高驪唱倍關情。遐方舊啟流官路。  
內史新爲萬里行。夜月丹砂勾漏火。春風蘆管繡江聲。  
伏波祖德標銅柱。弔古何煩喚老兵。

送周子無文歸里用龔宗伯夢中語為起句

明日扁舟是故鄉。灌城烟雨正微茫。山人偶命參軍屐。才子終羞入洛裝。黃葉夜封梅福里。青谿夢繞贊公房。知君西望頻回首。桐塢花源約未忘。

讀舒章蓼菴後集感賦

舊京宮闕指銅駝。慙愧書生未荷戈。三戶已無劉氏臘。九疑猶泣漢宮螺。公卿俊及新除拜。戚里衣冠盡鸚鵡。漠漠春雲徒聚散。無生我欲問禪那。

可與七  
子抗行

地藏閣

千年金粟此禪關。翠竹新菴水一灣。隔岸馬嘶春草路。斷橋人去夕陽山。荒村閨靜傳仙梵。老樹婆娑動客顏。躑躅未能捐世網。乘流且與一躋攀。

再入青門梁日緝以詩投贈依韻奉酬

南山宮闕俯黃河。奔走曾經此地過。亂後樓臺遺構少。異鄉風雨寄愁多。滿天鴻雁迷雲樹。舊國風烟老芰荷。濁酒新亭同一醉。可堪重聽使君謠。哭儀部易庵舅氏

渭水驚湍自北流。怪峰東去是西州。如。此。運。古。有。水。誰言淮浦神羊在。中。點。塩。之。妙。已見青城化鶴遊。石壁書殘餘秘笈。燕樓人老絕笙篴。當年明月邗江夜。曾共題詩到石頭。

懷湯宮若

烟雨江亭濁酒傾。荒林雜樹鷓鴣鳴。青山無處尋行跡。零落飛花滿故城。

鄉先輩近體詩總不落宋元以下最上  
沉雄次亦清遠我思古人實獲我心

錢 霍 字去病號荆山山陰人  
諸生著有望舒樓詩集

涉江

慈銘案荆山与祁  
六公子奕喜慈銘  
魏山人叫侮越三才  
子有合刻越三才子  
詩

江中浪如山。江上山如浪。白雪山上多飛落。蘆花蕩歌笑發中流。三老何悲壯。去去勿復道。慎勿悲輕離。安居與別苦。自古難相齊。

攜皆兒過董生

我來求友空山裏。山人獨往收松子。向夕攜筐樹下來。雲生茅屋茶烟起。松花為飯桂為糧。醉臥池邊冬夜長。東方乍白寒暉動。數聲睡鴨鳴南塘。空濛朝氣歸寥廓。予亦將雛入城郭。君行采采莫相忘。夜來松子風前落。烟雲繚繞却清空。一氣望舒樓七古力量不及徐羅沈許諸君。蓋學供奉而未逮也。取其清挺深厚者。

數篇

送梁曰緝侍御西視茶馬歌

天山六月還堆雪。使星度隴霜威冽。乘障將平外國人。  
 出車首建中郎節。萬里臨邊壯此行。清風吹滿姑臧城。  
 酒泉太守褰帷拜。驃騎將軍下馬迎。問君何事燉煌地。  
 拊髀解識君王意。既思鉅鹿虎臣來。便想渥洼天馬  
 至。特遣名臣北地過。天家市易在朝那。種茶偏愛焉  
 支土。飲馬將乾無定河。我公小試安邦手。花驄到處無  
 刁斗。大漠風傳苜蓿香。長城月送葡萄酒。鳴金伐鼓闢

蕭關。麾下旃裘五色殷。奚官共擁蘭筋入。駱馬遙馱雀  
 舌還。自此天閑足飛兔。爛然雲錦紛無數。國士先經月  
 旦題。驂騑更得孫陽顧。如公名德古人中。山甫周朝望  
 最崇。遄歸獻納麒麟殿。珍重蕭蕭渭北風。

仿盧駱體

寶劍篇

白龍臥未醒。泥蟠在管井。側見斗牛傍。夜夜百道生光  
 芒。彤文紫氣相迴薄。日月倒景同低昂。其下有神物。精  
 光久不歇。高者凌蒼旻。下者穿溟渤。乘時大道有屈伸。



年。歲。愈。邁。愈。有。神。刻。刻。欲。誅。無。義。士。故。故。親。近。英。雄。人。  
 豈。不。聞。雌。雄。雙。劍。橫。霜。鏑。千。秋。萬。載。名。千。莫。  
 獨。抒。胸。抱。  
 自。成。一。格。

孫月峯先生歌

神。宗。初。載。南。宮。筆。月。峯。先。生。名。第。一。忠。臣。食。報。在。孫。家。  
 一。門。侍。從。叅。機。密。先。生。清。白。揚。家。風。立。朝。諤。諤。羞。雷。同。  
 自。從。郎。署。登。樞。要。獻。納。彤。廷。唯。至。公。文。官。武。庫。森。刀。戟。  
 覽。儒。對。此。褫。魂。魄。讀。史。何。曾。讓。殺。青。防。倭。不。肯。饒。關。白。  
 昔。有。老。吏。為。我。言。萬。歷。之。間。初。愛。錢。先。生。為。郎。典。京。考。

暮。夜。黃。金。迹。如。掃。黜。遠。貪。墨。如。禦。倭。望。風。解。綬。何。其。多。  
 至。今。猶。稱。裴。吏。部。當。時。或。號。包。閻。羅。

起結  
老橫

淮上遇仲軼

十。日。山。陽。臥。無。心。上。釣。臺。夾。城。楊。樹。下。忽。見。故。人。來。江。  
 左。題。襟。集。陳。畱。曠。世。才。懷。中。有。明。月。和。酒。入。君。杯。

甲辰臘月送人之黔中

貂。帽。霜。頭。直。男。兒。萬。里。行。拜。辭。天。子。闕。笑。入。夜。郎。城。  
 瘴。癘。三。冬。盡。干。戈。六。詔。平。莫。令。銅。柱。上。祗。勒。伏。波。名。

贈江州司馬陶與白與白香山皆自舍人出為江州司馬而偶字與白故末句

及

遠嶼雙孤出分江九派流染衣彭澤柳吹笛洞庭舟送

客臨湓浦懷人上庾樓古今陶與白司馬自然在江州

送家方來令富陽先世嘗官此邑

世宰富春妙青郊出草時看花思奕葉折柳惜連枝山

近彈琴應江清撥櫂知婆娑廳事壁應見昔題詩

吳門贈商子

少小司門友年來契濶深才難千古歎淪落到如今造

次專諸巷辛勤莊鳥吟灌河秋水至不及故人心

將適晉與伍侯為別

昨夜池蓮放風來一縣香今朝游子發路入九迴腸仗

劍辭天姥騎驢上太行霏微長夏雨和淚濕衣裳

送駱叔夜之官崇仁

才子西江去桃花春水船知君文賦好為憶謝臨川王

稅金絲布臣心玉斧泉芳辰追勝賞染翰墨池邊

登招寶山

縱目觀千古憑高辨八荒地中流積水天外見扶桑山

帶風雲勢。波搖日月光。願言重譯至。窮髮盡來王。

通體雄勁不讓四溟山人

過董子山居

高閣傾尊小雨來。片雲飛過北山隈。巖中瀑水明如雪。樹外輕舟去若杯。萱草千叢皆自出。松花三月向人開。偶逢柳色尋元亮。絲履無聲點翠苔。

和葆飭舍人悼妓桐月詩二首

樹上名花得幾時。遊人再去葬胭脂。其如小小終卷髮。纔得纖纖學畫眉。月下海棠思暈頰。風前楊柳憶腰肢。

可堪五色同心結。繫在西陵松栢枝。

妝樓猶對鳳凰山。烟雨梳成十八鬟。歌扇淚餘河滿子。舞縵影斷舊弓彎。鏡臺人去朝朝暗。角枕涼生夜夜閒。佇立梧桐看新月。蛾眉只在白雲間。

送沈舍人雷州司馬

知君單騎撫南黎。萬里人勞聖主思。就日甫辭温室。樹侯風遠祭伏波。祠名臣自是還珠浦。廉吏何妨食荔枝。嶺表莫嫌多瘴癘。春光相待鳳凰池。

過泰山

百里空濛來。泰山高不極。蒼蒼半嶺中。皆作青天色。  
於齊魯青未了五字外別有會心

題章進士手卷

千古空濛驢背間。寒雲朔雪滿溪山。過橋東去無窮路。尋見梅花便可還。

與翁山行見梅花不欲還同妙

過西施山

西施明艷世間稀。此地曾經換舞衣。春色不隨流水盡。暮山猶見彩雲飛。

送遠

故人萬里涉龍庭。回首愁瞻北斗星。莫道春風吹不到。昭君墓上草青青。

將龍標春光不度意翻進一層

許墅關夜泊有感

長水收帆落照前。停舟卻道使君賢。雲間一任雙黃鶴。飛出吳關不稅錢。

與羅江東題釣渭圖同意

道中

路入丹陽風雨生。桂花香裡潤州城。林間啼鳥君須聽。行過江南無此聲。

下相題項王廟

楊柳依依古戰場。一雙春燕話斜陽。黃河渡口英雄廟。衣繡猶然是故鄉。

登秦望山

分開牛斗萬峯低。割斷風烟入會稽。寂寂雲中人不見。下方唯聽一聲雞。

羣山如浪走明州。千里人烟水上浮。城郭山川青不斷。

白雲生處浙江流。

雜咏

盡道君門似九天。人間翹首若登仙。不知猶有秦宮女。望斷人間十幾年。輕離輕別在梅菴。任爾無情亦不堪。愁折楊枝吹玉笛。一時風雨暗江南。

送章含可之滎陽丞

翩翩才子向東京。歇馬先登廣武城。舊日戰場生草木。風前猶作鼓鼙聲。

曉行  
人行月下馬蹄多。浙瀝高空聽雁過。只見流光飛四野。不知前騎出黃河。

姜

梗

字鐵夫  
會稽人

登北城

塞雁碧天清。秋登郡北城。霜笳吹不斷。白髮自然生。海戍黃雲起。津亭落日明。新軍初戰罷。日夜有啼聲。

過揚州次淮陰懷陶二惕董五旻

最憶春風舊酒徒。高天風露逐征途。王孫漂母空祠廟。

古栢蒼松聽鷓鴣。日落潮生京口驛。雲開月上射場湖。中流舛憤徘徊久。酒滿江船興不孤。

金

鎮

字又鏡號長真  
山陰人官郡守

初至汝南

攬衣謝郎署。驅車出上都。昔忝巖邑宰。今茲領郡符。心知司牧艱。親民分所居。汝南久彫瘵。空城多榛蕪。當時百萬戶。戰沒無復餘。悲風泣塋壠。流荒曠畊鋤。鳥雀時飛鳴。桑柘全凋疎。莽莽川塗異。悠悠年運徂。曰余膺命來。黽勉理廢墟。阜俗在廉靜。休養解饑劬。引義未辭難。

慈銘案長真以循吏名守河南汝南時曾刻何大復集邵子湖為之序

名譽非我須鉛刀愧一割庶幾奮薄軀

廉靜無華方有循績光武  
多得名譽一語殊乖正理

過信陵君奪晉鄙軍處

人臣無專擅。所以明至尊。胡為魏公子。竊符應平原。讀  
史起疑情。常欲吐一言。秦圍趙乞師。趙存六國存公子。  
有早見。設計解軍屯。事跡則已僭。內心猶可捫。戰國主  
合從。信陵為發源。會上魏王書。勸與六國援。指斥虎狼  
秦。嗚咽輒聲吞。古人逝水駛。戰壘春草蕃。智勇冠當代。  
三君安足論。昨從大梁來。調長城東門。

過清流關

歷盡岡巒峻。巖關吐白雲。一行穿暮色。萬里見斜曛。地  
擁金陵壯。山疑鐵馬聞。重門今不閉。知己靖邊氛。

渡江至京口作

伐鼓臨江放櫂行。江雲黯黯欲相迎。樓臺樹壓山平出。  
蘆荻風迴潮漸生。落日西津同作客。新年北府又增兵。  
匡時無計聊舒嘯。鷗鷺全能減宦情。

燕子磯

空亭憑眺極青蒼。吳楚年來少客航。獨有釣磯長不改。

夜深明月下滄浪。

毛萬齡字大千 蕭山人

懷蔣大鴻濟上

曾遇張公子。傳君下濟川。今來濟口望。不見杜陵船。黍

酒離亭晚。楊花埜店前。江東狂客在。翹首正茫然。

前四句 如話

同趙擊公出泗城

慷慨辭家後。從軍出泗州。泥深存馬跡。雲黯失山頭。道  
路寰中險。烽烟塞上愁。相看知己重。應不羨封侯。

羅

淇

字衛水會稽人康熙己未賜武進士第一

輩單詞短律斐然可觀若前朝郭定襄允稱斷輪  
老手直宜位置大雅之堂吾鄉衛水與戚少保伯  
仲之間將軍能作擘窠大書氣魄如  
米襄陽子世芳乾隆丙辰進士授庶常

渡河

未得探源去。先成擊楫過。夕陰寒白日。秋色澹黃河。入  
月靈槎路。千年瓠子謠。東流終不息。向晚水增波。

聞曉角

樓閣曉雲輕。蒼烟入望平。草肥晴牧馬。盡角滿江城。

二詩俱 唐音



杜肇勳字功王山陰人著

有閑古齋詩選

幹名不在曹霸下天寶之年工畫馬沉香亭畔染御素  
畫工如山爭避舍穆王八駿稱神奇嘶烟紙上不受羈  
霜滿堦除草常綠叱之欲起光離離奔者立者各躡風  
齧者飲者饑渴同中有數匹不飲齧照夜白映桃花紅  
自矜王良識未得一洗大地凡馬空幹也去今歲月杳  
骨肉知非杜陵曉塵埋篋笥久不出欲上青天沒飛鳥  
丹青之技誰謂小的盧死盡看不了十四龍駒信矯矯

畫馬詩難與杜蘇爭  
勝此作亦矯矯不羣

春日舟次

○中○含○元○秘○  
觸衣全是翠及攬又空濛卽景多欣賞忘機見化工山  
移檣影外人坐水聲中宛轉情無際吹香不待風

典鏡歸攬賦

去埋明月影歸照別離人自嘆顏非故憐君鑑愈真百  
年幾賓主千古只周秦一掬寒心水應爲世所珍

秋曉

高館靜秋夜閒愁醒獨眠雁橫將墜月蟲碎欲明天孤

夢迷將覺殘更斷復連。攬衾嫌絮薄。不省自高年。

山行

黃。葉。落。如。雨。秋。山。氣。倍。陰。古。碑。荒。蘚。合。野。寺。亂。雲。深。竹。色。淡。人。面。藤。花。香。鳥。音。躋。攀。忘。力。倦。為。有。隱。居。心。

起蒼鬱五六佳句音節亦諧。賈長江古戍落黃葉浩然離故關此詩起手似之下亦相稱

畫中劍客

千。秋。懷。俠。客。今。日。見。丹。青。似。此。鬚。眉。古。應。知。生。死。輕。劍。光。寒。易。水。筆。意。走。秦。庭。日。暮。悲。風。起。如。聞。暗。血。腥。

第六句不脫畫故妙

舟晚

風。雨。愁。中。日。干。戈。病。裡。身。杜。陵。雖。野。老。周。室。自。頑。民。草。綠。荒。郊。晚。花。紅。廢。苑。春。扁。舟。聽。不。盡。石。瀨。水。潏。潏。

懷程文在廣文

卻。怪。程。夫。子。飄。然。別。杜。陵。岸。花。明。去。棹。秋。雨。暗。孤。燈。問。業。門。畱。雪。之。官。署。抱。冰。相。思。寒。夢。夜。蘿。月。滿。青。藤。

輓倪文正公

不。能。畱。社。稷。何。敢。惜。吾。身。地。碧。千。秋。血。天。成。一。代。人。乾。坤。終。大。運。日。月。捧。孤。臣。舉。世。方。行。素。先。生。獨。取。仁。

雨夜

軒。然。而。來。風。雨。暗。孤。城。邊。愁。入。雁。聲。詩。書。方。厭。士。烽。火。正。佳。兵。夜。復。何。時。旦。秋。難。一。日。晴。那。堪。方。寸。地。家。國。百。憂。生。

閑古五律多於起處擅長爭勝

秋夜

明。燈。雷。影。照。孤。吟。夜。靜。諸。喧。不。受。侵。看。月。上。牕。分。樹。影。聽。蟲。出。穴。語。花。陰。一。絲。漸。改。年。來。鬢。萬。慮。全。消。亂。後。心。猶。有。興。亡。勞。夢。寐。驚。秋。片。葉。感。何。深。

漁洋詩感激真從難後正與第六句同意

宿丹陽

雨。餘。沙。積。蟪。蛄。鳴。涼。入。深。宵。枕。簟。清。亂。水。趁。潮。爭。赴。海。暗。風。飄。月。忽。臨。城。魚。龍。睡。穩。身。猶。悍。烏。鵲。巢。危。夢。屢。驚。飄。泊。一。肩。何。所。向。荒。郊。豺。虎。尚。縱。橫。

春江曉發

江。城。月。落。萬。川。明。夢。在。孤。舟。曉。更。清。山。入。亂。流。無。住。勢。瀑。懸。高。樹。挾。飛。聲。巖。花。落。盡。唯。留。子。溪。鳥。音。多。不。辨。名。紅。舫。香。帆。隨。處。滿。漁。磯。晴。拂。柳。烟。輕。

通體

明秀

新柳

畫橋西畔影垂垂。風起花飛滿路岐。高唱有文徵白社。  
○限○前○語○自○佳○輕陰無力上黃鸝。烟橫古渡人千里。絲掛春耕雨一犁。  
正苦邊愁連歲月。莫教長笛倚樓吹。

祁曜徵

字旣朗。山陰人。諸生著有臥士詩藁。先生乃忠敏之孫。詩品清皎。祁氏一門有男子皆美人。女人皆才子。之稱冉冉百年。風流雲散。豈府經過荒蕪。滿目矣。余嘗有句云：帳下青綾思謝媛。堂前綠杼弔裴公。蓋紀寔也。

道鄉臺懷古

抗疏南遷日。猶知吾道存。高臺多歲月。正氣塞乾坤。獨

慈銘案先生為五公子奕慶之子

灑青天。淚誰招。白日魂空。滿途逐客。風雨下荒原。

寓嶽麓書院題壁

乾坤牢落歎萍踪。且抱琴書傍嶽峰。所至焚香韋應物。  
偶來掃舍郭林宗。風鳴竹磳流晴雪。月上松關動晚鐘。  
千里鄉書魚雁杳。白雲幽夢悵無從。

贈余攻瑕孝廉

空山讀易半垂簾。應笑中軍下百籤。攜取白雲為玉尺。  
坐看青嶂落銀蟾。常從別浦思公子。曾記扁舟覓孝廉。  
何似入林長把臂。春缸倒盡夜厭厭。

寄懷沈子盛

益州西去暮雲停。萬里橋邊一草亭。鳥道極天秦樹綠。  
猿聲入峽楚山青。蜀人近解歌三婦。漢使遙傳出二星。  
却憶浣花溪上客。天涯踪跡似浮萍。

登東武山朱相公山居川西河太史韻

縹緲高樓風日晴。登臨不盡古今情。靈峯夜湧瑯琊郡。  
遠岫秋低范蠡城。畫檻極天孤塔迥。綠蕪分渚片帆輕。  
築沙開閣皆陳跡。露網環巖草自生。

六月六日作

是日爲先忠敏公殉節之辰

此日瀟湘弔屈平。彭咸遺則古今名。東流不盡昭潭水。

歲歲江皋長杜蘅。

錢爲鼎

字蒼液。會稽人。康熙丁卯舉人。著有石渠詩鈔。

報國寺看松歌

我昔未作長安客。聞道此松好顏色。托根古寺歲月長。  
時有香雲繞其側。十年結想今始見。龍屈蛇蟠雙目眴。  
參天老幹高十尋。覆地輕陰深一院。春華秋實猶餘幾。  
花落花開笑桃李。蒼姿清影恣婆娑。獨畱灑氣還元始。  
君不見五侯臺榭多奇樹。密葉繁枝承雨露。可憐一夜

疾風吹不及貞松色如故。

贈寓山乾上人

落花時節水平橋。愛訪松門路不遙。記得支公揮麈處。一牕嫩綠上芭蕉。

度函谷

尹喜曾迎柱史牛。五千言向入關留。而今紫氣渾消歇。只有紅塵撲馬頭。

唐曾述

字文則號雷園會稽人康熙甲戌進士官縣令

征海

駕海樓船蔽遠空。幕門吹角起寒風。干帆合沓波濤外。萬里聲援指臂中。壯士揮戈迴落日。將軍橫槊繫長虹。民間生趣兵氛盡。願得平夸早策功。

新柳

未許靈和獨擅名。園亭坐待綠遷鶯。春生南陌殊多態。人對東君便有情。幾縷斜曛扶旖旎。半灣淺水蘸輕盈。梅花漸老寒飈急。好縮長條餞落英。

領聯與查初白楊花詩春如短夢

初離影人在東風正倚欄同妙

吳棠楨 字伯憇山陰人諸生著有雪舫詩集。雪舫詩古不如律有才若此乃令人嘆兼擅之難

然以徐庾風華作琳杲書記題襟飛檄傳誦一時未易得也

攜手曲

十眉艷趙女。三曲奏秦娥。髮長雲髻巧。身輕舞態多。避人呼赤鳳。醉客進紅螺。握手瑣窓下。嬌極不成歌。

宛然齊梁聲口

兒家誇四姓。愛婿號三君。玉扇描班女。羅衣繡楚雲。苔承一鈎細。花迎雙袖分。可憐小蛺蝶。舞影趁湘裙。

古曲別有音節以不諧為諧

湖上

春雨入銀塘。舟行杜若香。紅泉浮鏡滿。青壁插天長。浣女桃花襪。仙人杏樹庄。鑑湖八百里。處處濕鴛鴦。

閶門

春樹接明霞。歌船網綠紗。月含香水細。風逼錦帆斜。白帽吹簫客。紅燈賣酒家。自經西子後。匝路種荷花。

抵南安郡將入嶺途中遇雨作

豫章行不盡。兩月大江船。綠樹通蠻郡。青山界楚天。一關雲外立。雙塔雨中懸。辛苦從軍客。風塵及壯年。

竟體似張承吉

上撫軍伯成吳公

日。瀉。蒼。龍。舳。風。浮。朱。鷺。音。潮。平。夸。島。露。虹。斷。陣。雲。深。拓。  
地。雖。臣。職。休。兵。亦。帝。心。封。侯。原。不。易。莫。嘆。二。毛。侵。

頸聯十字勝呂黍字  
四章當知立言有體

紀夢

侍。女。傳。呼。繫。紫。驪。枇。杷。門。巷。杏。花。樓。故。持。薄。怒。嘗。香。尉。  
恰。訴。驚。心。泥。粉。侯。千。縷。綠。雲。鬟。影。亂。一。燈。紅。汗。篔。紋。流。  
分。明。十。二。峯。頭。月。銅。史。無。端。促。曉。籌。

以下諸律全仿西崑游紅拭粉  
時露英爽又在三十六體之外

贈升公

愛。爾。家。居。朱。雀。橋。當。門。絲。柳。覆。烟。條。畫。船。湖。上。催。雙。槳。  
玉。樹。歌。中。記。六。朝。帝。子。樓。臺。春。不。度。美。人。金。粉。酒。初。消。  
秦。淮。好。月。青。溪。雨。一。片。歸。心。逐。暮。潮。

秋杪席上送李磐石

解。纜。江。城。九。月。天。開。尊。重。話。烈。皇。年。玉。龍。已。逐。蒼。梧。月。  
石。馬。空。嘶。秦。時。烟。兵。柄。一。時。歸。四。鎮。羽。書。萬。里。急。三。邊。  
虛。聞。赤。伏。畱。符。記。風。雪。誰。將。漢。節。懸。

中四句承上慷慨激昂為雪舫變調可  
與陳迦陵秋色蒼茫上佩刀一篇並傳



古意

櫻桃花吐柳纖纖。斑管吟成昔昔鹽。門草鸞靴分小印。  
學琴鳳甲剪雙尖。畫船偶泛青絲紉。書幌長披綠玉籤。  
一自粉郎油壁去。玉簫聲斷不開簾。

秋感寄岸舫四首

五陵遊冶本豪華。雲母屏風寶鈿車。小賦曾題同命鳥。  
雙鬟私擲合歡花。風簾歌舞青尊滿。雪榭溪山白日斜。  
舊事驚心難再問。賓鴻聲斷在天涯。  
午夜輕寒木葉稀。尉佗城上皂雕飛。清時建議憑元老。

儉歲憂民到布衣。香尉拜官人共惜。珠厓罷築計應非。  
莫言三載無征戰。空使驂駟首蒼肥。

海國秋風又一年。夕陽樓閣敞江天。紅鵝曲度燈前淚。  
白馬潮歸夢裡船。槐市書生無薄俸。桃源隱客任高眠。  
出門記得春波綠。細柳平橋捲禁烟。

雲淨霜空玉宇澄。長攜書卷就疎藤。半瓊豈屑分江革。  
重席何妨奪戴憑。高士好山藏綠樹。美人明月隔紅燈。  
莫臨高閣常翹首。衰草平原見按鷹。

楚宮詞

渚宮天濶接瀟湘。解佩微聞杜若香。學得雲和彈帝女。冰絃二十五鴛鴦。

魯臯言

字曰都號仲庚會稽人

送沈彥遠之陝西

匹馬秦關去。崎嶇不易行。苦心無險阻。小就亦功名。教養慈兒女。安危托友生。停樽強言別。前路亂雲橫。

章

字人則號齒原會稽人國學生著石南原詩集

君子行

未。然。不。及。防。每。覺。終。悔。遲。當。日。無。一。子。安。釋。屋。飯。疑。

死。不。復。白。傷。哉。尹。伯。奇。自。信。坐。懷。潔。何。如。閉。戶。辭。微。小。慎。瓜。李。烈。禍。起。文。詞。奈。何。七。國。君。多。受。儀。秦。欺。掉。舌。生。反。間。察。之。在。毫。釐。

一起卽是包羅千古以下筆筆金口木舌令人凜然

短歌行

一。局。爛。斧。柯。七。日。已。千。年。。至。論。難。下。轉。語。如。此。迅。何。樂。爲。神。仙。神。仙。工。狡。獪。壺。嶠。渺。各。天。欲。問。長。生。訣。流。俗。悞。丹。鉛。優。游。舉。杯。酒。綢。繆。良。朋。前。良。朋。方。苦。吟。我。醉。欲。高。眠。安。期。攜。我。手。洪。崖。拍。我。肩。謂。我。無。機。心。便。已。得。真。詮。

秋螢

草化存餘照。遙疑未墮燈。問心。靈不昧。炙手熱。何能紅。映。留。星。亂。碧。沉。葭。露。凝。那。曾。騰。弱。羽。丹。鳥。是。誰。稱。

章世法

字宗之號青峰會稽人諸生

擬范蠡泛舟詩

同為臣僕志在復讐吳治已成越主則休臣事畢矣安  
二八〇字自足千古  
用餘謀謀深可忌雖忠必憂五湖烟水自有安流遺我  
同人不知其求且速我行一葉扁舟

金山

金螯初地迴。四望絕塵埃。老而雄山勢一拳立。江聲萬里來。長  
風走艦艦。清磬靜樓臺。京口孤蓬宿。登臨句暗催。



